



RE FAN NIRA THILYEG E ROGDAED KO PIGPIG

Bay yo'or e fan ko piggig, e rayog rodad ko piggig ngan powiy' ko e laniyaen'daed ningad ayuweged reb e gidii' ningar thapeged e thilthil ko mich mar manged woed rogon en Tathapeg

Nap'an ngad t'ufeged reb e gidii' woed rogon en Tathapeg, gadadba'adag ningad ayuwegraed woed rogon Ke rrin'. I'ir fare Tachugol nib Fel', I'ir e bin thabi gaa' e sasun ko piggig nib gaa'fan.

Nap'an ngad folgaed ko piggig Ngak, nib t'uf ningad ta'armedliyed e ngongol Rok ko t'ufeg, chibiyraed ngalang, piggig, ma taw'athnog ba yaen ko reb fan. Arragon Irma nang e tin t'uf roraed ko urgnin e rran make kirebaen' ko gafgow roraed chiney. Aramfan Ke golnog, duruwi, n'agfan, ma fil. Machane Irba'adag ninge rrin' reb e ban'en ko fel'rogon e balel ko daba'. (mu guy John 4:13-14). Ma Irba'adag e gidii ningar golgaed Ngak (mu guy Luke 18:22; John 21:22), nanged Marunga'gaen (mu guy John 10:14; Doctrine nge Covenants 132:22-24), mar thapeged e tin rayog roraed ko tharmiy (mu guy Matthew 5:48). Ta'abrogon e ban'en e ba riyul' daba' (mu guy Doctrine nge Covenants 67:13).

Bay bo'or e rogon ningad taw'athnoged reb e gidii, machane nap'an e fan u tomur ko muruwel rodad ningad ayuweg reb e gidii' ningar nanged en Tathapeg mar manged Ta'abrogon, gadadra muruwel mada' ko fare rran nap'an dabi t'uf ningad filed e gidii' nib yoror rodad marunga'agen Somoel bachan gadad gubin ra nang Ngak. (mu guy Jeremiah 31:34).

Puluw ko Tathapeg Nib Gaa' Ko Tin T'uf u Chingyal'.

- Bo'or e gidii' kar rrin'ed e ngongol nib gaa' ningar feked pi fagar roraed ere Yesus ninge golnograed ko m'ar. U tomuren Tathapeg ke golnag fare mo'on, machane Irba'adag ninge n'agfan ngak ko pi denen rok. (mu guy Luke 5:18-26).
- Nap'an ulungi gidii' kar feked e ppin ke galong ngak en Tathapeg, Dabke non e puffthin ma ke thap e yafas rok. Machane Irba'adag ninge thapeg e ya'al

rok, me non ngak, “mwaen, ma damu denen bayay” (mu guy John 8:2–11).

- Mary nge Martha kar pinning Yesus Ninge yib ma golnag e fagar Rok, Lazarus. Yesus, ma ke golnag bo’or e gidii’, Ke soen ninge taw tomuren Lazarus ke yim’. Yesus ma nang e tin ni ba’adag fare tabinaew, machane udakaen e fas ko yam’ ko Lazarus, Ke gelnag e mich roraed ko e tin tharmiy Rok (mu guy John 11:21–27).

Bay reb e sasun ningam yoeg?

Mang e Rayog ni Ngad Rin’ed?

Fa’an e fan rodad ningad ayuweged reb e gidii’ ningar manged woed en Tathapeg, nira thilyeg e yalen ko pigpig rodad. Ba’aray boech e rogon e nang fan nem ra powiy’ e rayog rodad ko pigpig.

Laem 1: Mu peth e Pigpig ko e Tathapeg

Urnigin e rayog rodad ningad rrin’ed e tin nib ba gaa’fan, machane rayog ningad piry’eged reb e rogon ningad gelnag e pigpig rodad nap’an ngad peth riy’ ko en Tathapeg. Woed rogon, fa’an e tabinaew ni gama pigpig ngak e yaedba m’ar, e gaan ra ayuweg, machane e thin rom ko t’ufeg ra ayuweg e mich roraed ni ba’adag en Tathapeg ngoraed. E ayuw rom ko milay’ nib fel’, machane sana nib fel’ ningam pii’ e taw’ath ko priesthood.

Elder Neil L. Andersen ko fare Ulungi Ragag nge La’agruwi Apostle ke fil: “E bee’ nibay fel’ gum’ircha’-en ra ayuweg e bee’ ko kireb e tire, fek e yoror nga togta, abich ko e bee’ nib kirebaen’, fa sminmin mar oeged e ke urogom boech.

Machane e gachalpen ko fare bin somm’on e motochiyel ra un reb e ban’en ko ngongol nib gaa’fan ney ko pigpig.”¹

Laem 2: Puluw ko fare Kanawo’ ko Michmicheg

Nap’an ke non ngak boech e chongin ko bin somm’om e yay ni’ir fare President ko fare Galasia, President Russell M. Nelson ke yoeg, “Mu koel ko fare kanawo’ ko michmicheg.” Mu f’leg mu fol fapi michmicheg “nira bing e maab ninge yib urnigin e taw’ath ko ya’el nge tin fla’ab.”²

Gadad e Gidii’en Got rok ko Tin Tomur e Rran, kan tawfenogdaed, yibliynogdaed, mag thapeged fare taw’ath ko fare Kan Thothup. Pi mo’on nib mat’aw ra thapeg fare priesthood. Gadadma yaen nga temple ni fan e endowment ningad mag paa’daed uta’abang ko

manemus. Fapi gam’ing ko thapeg ney nge pi michmicheg nib gaa’fan ninge manged woedrogon Ngak ninge yoeg ningaed paered Ngak.

Bay e muruwel rodad nib gaa’fan ningad ayuweg reb e gidii’ ko kanawo’ nem nap’an ngar folgaed ko pimichmicheg mar taermedliyed ko pi gaming ni bay yib.³ Urrogon ningad ayuweg e gidii’ fa pi tabinaew nib t’uf romed ningar thapeged bin magid e gam’ing? Bay yip fan ningam taermedliy e chitamangiy ninge tawfe nag e bitir nib ppin rok, fa weliy’ fatin taw’ath ko bin magid e michmicheg ningan fil’eg, fa weliy’ boech e rogon ningar feked fare sacrament nib fel’ rogon.

Laem 3: Pinning ma Gay Fel’ Laniyaen’

Nap’an nib fel’ rogon, pii’ e fanow ngak e gidii’ nib t’uf rom marungagen e thilyeg raed nge rayog roraede ningar ta’abrogon ko Kristus. Muweliy’ e tin fel’ roraed. Nang fan boech e rogon ningar fel’ ma weliy’ urrogon ningam ayuweg. (Ko reb e fanow ko pigpig. Mu guy “Counsel about Their Needs,” *Liahona*, Sept. 2018, 6–9.)

Damu tamra’ ningam piry’egraed ningar folgaed ngak Tathapeg ma pii’ Matawaen ningar thapeged e tin tharmiy roraed. E pinning ney rayog ni nge thilyeg e yafas, nap’an ngan peth ko e thin nib fel’ ngodaed.

Nel’ E Rogon Rayog Ningad Ayuweg Reb E Gidii’ Ngak Kristus

Ba’aray boech e rogon ningam ayuweg reb e gidii’ ningar fel’ rogon e yafas roraed mar ranoed ko e kanawo’ ko michmicheg. (Mu guy *Preach My Gospel*, chapter 11, ko boech e laem.)

1. **Pii’.** Ngam maen e ya’en nib riyul’ nap’an ngam weliy’ urrogon e Tathapeg ke ayuwegem nap’an kam baed Ngak udakaen e paer ko kenginn e gospel dariy’ fan e dibchay.
2. **Mmicheg e taw’ath.** E gidii’ ba t’uf e fan ningar thilyeg nib gaa’fan ko dar thilyeg. Mu weliy’ marungagen e taw’ath nira yib udakaen e ngongol ra pii’ e fel laniyaen’ ko thilyeg (mu guy *Doctrine and Covenants* 130:20–21).
3. **Pinning.** Paer ko e kenginn e gospel rayoeg e mich ko tin riyul’ (muguy John 7:17) nira powiy’ e thilyeg nib gaa’.⁴ Urnigin e sabethin ninge yoeg e pinning ninge rrin’ e ban’en nib fel’.
4. **Liyeb uta’abang.** Mang e boech e ban’en nib t’uf ningar folgaed e pinning ningar thilyeg? Urrogon ningam ayuweg? Bay boech e ningyal’?

5. **Mu ayuweg.** Nap'an nib fel', mu yarmiy' e ulungi gidii' ningar ayuweg e bee' ningar thamgily ma gelnog. Gadad gubin ba t'uf e cheerleader.
6. **Sul ngadakaen.** Mu non marunga'agen e ul'ul' rom boech e yay. Mu puluw ko kanawo' machane ragam thilyeg fa'an nib t'uf. Mu gumaen', mu athamgil, ngam gay fel'laniyaen'. Thilyeg ra t'uf boech e ningyal'.

Pinning ningar Thilyeg.

Mu lemnog boech e rogon ningam pigpig—arragon nib gaa' nge chigchig—ngak reb e gidii' ningar gelong e conversion roraed ningar manged woed rogon en Tathapeg.

“Kenginn e Pigpig” milwol nira fil ngodaed urrogon ningad ayuweg reb e gidii’—damu pii’ ko milwol nap’an e sabethin. Nap’an ngad nanged e gidii’ rodad, fare Kan Thothup ra gay e lowaen’ ngodaed e milwol nib t’uf roraed ko ngongol rodad ko gol nge fel’rogon.

BABYOREN AYUW

1. Neil L. Andersen, “A Holier Approach to Ministering” (Brigham Young University devotional, Apr. 10, 2018), 3, speeches.byu.edu.
2. Russell M. Nelson, “As We Go Forward Together,” *Liahona*, Apr. 2018, 7.
3. Mu guy Henry B. Eyring, “Daughters in the Covenant,” *Liahona*, May 2014, 125–28.
4. Mu guy David A. Bednar, “Converted unto the Lord,” *Liahona*, Nov. 2012, 106–109.